



Eifach
BILLIG
Primitief

DER PLAN B – EIFACH, BILLIG, PRIMITIEF!

Fischlin, Stauber, Brotz und Co.: Jetzt isch gnue!
Löht üs mit SRG-Gelafer in Rueh!
Mir zahle nümm!!
No, no, no, no, no – No Billag!
Dä Staatsfärnseh-Stuss
Mit däm isch jetz Schluss.
Mir zahle nümm!!

Wenn ig im Färnseh d Sandra Boner gseh
Bruuch i gäg s Wätter grad e Maage-Tee!
Das zahli nümm!!
No, no, no, no, no – No Billag!
Und au dr Kassesturz
Isch doch e krasse Furz!
Das zahli nümm!!

Mir zahle nümm
S isch e Gruus!
Mir zahle nümm
Für dä Stuss!
Mir zahle nüüümm
Jetzt isch Schluss!
Mir zahle nüüüümm

Arena, Rundschau, Glanz und Gloria:
Das ghört «bestattet»! – Das müesse mir nümm e ha
Mir zahle nümm!
No, no, no, no, no – No Billag!
Jetzt wird kei Stutz me kassiert.
Mir wei de gseh was passiert.
Mir zahle nümm!!


Stedtlischiiisser präsentiert die Alternative:
Der Plan B
SHIT TV. Eifach. Billig. Primitief.

MELODIE: ELECTRIC LIGHT ORCHESTRA; DON'T BRING ME DOWN

SHITHOLE COUNTRY

Me het sich Müeh gä, dass dr Trump d Schönheit vo r Schwiz entdeckt
Und het drum alli «Shithole-Countries» guet vor ihm versteckt.
Me het für ihn e Charte gmacht vor Schwiz, wie si üs gfiel:
Am Jura-Südfuess chunnt nach Bettel sofort Biel.

MELODIE: SOLOTHURNER LIED




WARS OF STARS

Dr Donald seit zum Kim: «Hör uf, süsch gib dr eis a d Ohrel!
I schicke paar Marines zu Dir, die tüe de wie ne More!»
Dr Kim git zrug: «Halt d Lafere, du impotänte Greis!
I schicke mini Volksarmee, die chunnt und zwickt dr eis!»

«Und dass es nume weisch: I ha jetz au e rote Chnopf!
Wenn I dä drücke, blibt vo dir nur no ne blonde Schopf!»
«Mi Chnopf dä isch vil grösser», meint dr Donald nume stur:
«Wenn I dä drücke, betoniert's di ungsplitzt I mi Muur!»

Dr Sekretär vo r UNO het dr Frida chönne rette!
Und das ohni uf Washington und Pyöngyang müesse z jette:
Dank Hilf vor Schwiz het är de bede Striithähn gseit, es läng:
«Em erschte, wo no öppis seit, schick I dr Constantin!!»

MELODIE: JOHN WILLIAMS; THE MAIN THEME
FROM STAR WARS / MANI MATTER; WILHELM TELL



WÄTTERSCHTÜRMINE

Taifün und Stürm si füecht und wild und chutte alles zäme.
I jeder Sterchi chasch se ha und si hei Fraue-Näme.

Orkan, Windsterchi 10: Do flüht der alles ume Grind!
Und d Schädle si gewaltig. Eso öppis heist «Burgliind».

D Windsterchi 9 heisst «Evi». Do wirdsch ohni Schutz nid alt!
Die luftet ganzi Auto furt und knickt all Böim im Wald.

Windsterchi 8 und 7 bloose Ziegle vo de Dächer.
Denn gö die Schädle langsam zrug, die Fraue wärde schwächer.

Chli Lärm und warmi Luft heisst «Fränzi». Wirdsch se überläbe.
Und d «Bea» isch Windsterchi NULL: Si süslet und blibt chlälbe!

MELODIE: VOLKSLIED;
ZEHN KLEINE NEGERLEIN



Physiotherapie
Postmarkt
Grenchen

WÄLCHLI METZG
IM HERZEN VON SOLOTHURN
Friedhofgasse 9 • 4500 Solothurn
Telefon 032 622 32 93 • www.wälchli-metzg.ch
IHR SPEZIALIST MIT HAUS- UND PARTYSERVICE

HOFFER AG
Goldschmied im Roten Turm
CH-4502 Solothurn
www.goldschmied-hofer.ch
Eigenes Atelier





Eifach
BILLIG
Primitief



UF EM WYSSESTEI

Mir isch do z äng! I bruuche Platz
Ab uf e Bärg! Säg i zum Schatz
I weiss e Ort ganz läär und frei:
Mir gö is Kurhus uf e Wysssestei!

Im Glaspalascht isch alles frei
Räntiert das ächt? Natürlech, nei.
Doch Jürgen Hofer seit: Mir mache s doch
Eso wie d Bärner ufem Jungfrauoch!

Schalala schalalalalei
Mir tüe Chinese ufe Wysssestei!
De git s e Gwünn, dasch jo was alli wei
Dank vil Chinese ufem Wysssestei

Dr Pfarrer vor Kapälle het de nie me frei
Dank de Chinese ufem Wysssestei.
Är traut se zwüsche Myrte und Salbei
Für dass d Chinese vil Chinese hei

Und stellt e Schwinger em ne and're s Bei
De gseh s d Chinese ufem Wysssestei.
Serviert dir s Kurhus wider fade Brei
Frässe s d Chinese ufem Wysssestei

Machs e Blueschtfahrt mit dir Frau im Mai
Gsehsch vil Chinese ufem Wysssestei
Es freut sech au d Stadtbolizei
Und büesst Chinese ufem Wysssestei!

Und fahrsch mol ufe mit em Gondeli
Gsehsch: S het vil meh – aber s si alli z chli
D Türfalle isch bi dir uf Höchi Chnöi
Wäg de Chinese ufem Wysssestei

Doch sinkt ir Stadt d Bevölk'rig progressiv
Und isch dr Kurt au nüm re-produktiv
De rette d Gröss vo dr Stadt elei
Üsi Chinese ufem Wysssestei!

MELODIE: POLO HOFER; WYSSEBÜEHL



DOPING

Mir si erscht im Ishockey, Mir hei halt vil Is dehei
Mir gwünne jede Biathlon, Mir si halt e Gwünn-Nation!
Mir si starch und mir hei Müs, und dr Sportarzt luegt zu üs
Doch Dir sit fies und heit üs gmobbt! – Ätsch! Heits gseh: Mir hei nid dopt!


Wodka – Cocacola
Süsch hei mir nie nüt gha!
Chasch üs gärn ha, WADA
Mir si sportlich wider da!

Kamilletee! – Nasdarowje!

Doping, das het Wärt wie Guld. Wär nid dopt, isch sälber tschuld.
Macht dr Gmeinrot d Bürger schliissig, dopet ne gag Tempo 30!
Doping gits jetz au fürs Danke. E Löffel längt fürs Hirni z schwänke.
Dr Geischt wird klar. Dir merket scho: Dä Gmeindroot het nüt settigs gno.

Rum und Cocacola
Süsch hei die nie nüt gha.
Dum göht jetz alli dra:
Setzet dene d Sprütze al

MELODIE: ANDREWS SISTERS; RUM AND COCA COLA



#METOO

Kei Maa grapscht mi aa!
Und kei Sau do inn beläschtigt mil
Dir, das FÜR isch us. Keine het me Pfuus do im Bundeshus!

Kei Maa grapscht mi aa!
Und kei Sau do inn beläschtigt mil
I frog' mi, isch am Änd, das ganze Parlamänt derart impotänt?
I träge sexy Blüüsl und e churze Rock
Und Parfüm wie ne Venus – doch kei Pflock het Bock

Nei!

Kei Maa grapscht mi aa!
Und kei Sau do inn beläschtigt mil!
Was isch das für nes Puff? Keine isch spitz druff. Nid emol im Suff!

I go i Lift und warte do.
Es chönnt sogar dr Buttet cho!
Doch nei i stoh im Räge:
S nimmt jede lieber d Stäge!

Chuum lueg i eine fründlech a
So flüchtet dä, so schnäll er cha,
tuet mit me Merkblatt fuchtle ...
Het s do de nur no Schwuchtle?!!

I säge Euch, das Gschnorr vo Sex und so isch alles Scheisse!
S'isch wahr! – So wahr i Magdalena Martullo-Blocher heisse ...

MELODIE: MAX RAABE; KEIN SCHWEIN RUFT MICH AN

MUETIG, GSCHID UND SCHARF

Es isch e sunnedürluetete Samschti-Morge gsi, right downtown of Old Soledurn.
I bi grad d Houptgass zdüf gloffe, do ghör I uf einisch es eigenartigs Grüsch:

Nei, do cha me nid parkiere!
Du bisch bi orange über d Stross!
I – tue – do – s – Tempo – kontrolliere! Das Rüebli do isch zweni gross!
Das Bistro-Tischli stoht z wit vore
Das git e Buess grad nach Bedarf.
Wenn Gäld hesch, de hesch scho verlore!
Denn mir si muetig, gschid und scharf!

Mir si d speedy Tschugger! Ohni üs lauft nüt ir Stadt!
Jo, mir si d speedy Tschugger! Mir schaffe gäng uf 1000 Watt:

Zentrale vo Weibu 4 antworte! Notfall! Falschparkierer bim Baseltor!
Weibu 4 verstande. Wieso Notfall? Schrib ne doch uf!
Das goht ebe nid.
Wieso de nid?
He weisch de Du öppe, wie me «Hie und äih» schribt?!

Wenn dr Kanton nüm zahlt, die Chälber,
Zieh mir no Buesse i gag Stau
So finanziere mir üs sälber
Und di Rollator preichts de au!
Jo mir si schlau und hei Kultuhur
Au Gränche het für üs Bedarf!
Jedem Verbräche uf dr Spur
Denn mir si muetig, gschid und scharf!

Mir si d speedy Tschugger! Ohni üs lauft nüt ir Stadt!
Jo, mir si d speedy Tschugger! Ab 100 Buesse git s Rabatt!!

Herr Wachtmeischer, so säget mer doch wo mi Ma isch!
He dank verhaftet!
Aber dr Ärscht het doch gar nüt gmacht!
Schpilt ke Rolle! Üses Motto isch: «Bürgerin, mir näh di Ärscht!»

MELODIE: PAT BOONE; SPEEDY GONZALES